



Premio Internazionale Carlo Scarpa per il Giardino

25. izdanje, 2014. godine

Osmače i Brežani

Srebrenica, Bosna i Hercegovina

Pravilnik

Međunarodna Nagrada Carlo Scarpa za Vrt je kampanja pozorornosti o jednom mjestu koje je posebno bogato vrijednostima prirode, sjećanja, izuma, koju promovise i organizuje svake godine Fondazione Benetton Studi Ricerche.

Svrha

Nagrada Carlo Scarpa ima namjeru da doprinese podizanju i širenju kulture “upravljanja krajolikom” i nudi se kao prilika i instrument za upoznavanje i izvan granica ograničenih zajednica stručnjaka, intelektualni i fizički posao koji je potreban za upravljanje izmjenama krajolika, kako bi se zaštitile i unaprijedile autentične ostavštine prirode i sjećanja; posao koji je još uvijek bez znanstvenog statusa kao i nastavnog plana i programa za osposobljavanje, u kome se miješaju nauka, tehnika, umjetnost i najrazličitije vrste zanata; posao koji se odvija preko identifikacije znakova i konstitutivnih obilježja krajolika, obilježljima njihovog područja; posao koji predviđa kreativno djelovanje, planiranje na duge staze sa obnovom, svakodnevne prakse brige i održavanja, pravila koja uređuju suživot u istom mjestu, prirodne baštine, kulturne tradicije i ljudsku prisutnost; posao koji izbjegava bilo koju prolaznu/efimernu pojavu ili potragu za efektima, a koji nalazi svoj teški parametar u dugoročnosti; posao koji traži ravnotežu između očuvanja i inovacija, u uvjetima neprekidne mobilnosti ukusa i trajne transformacije uloge koju priroda i sjećanje praktikuju u raznim civilizacijama i historijskim fazama.

Odluka

Žiri svake godine odabire jedno mjesto koje ima karakter, zaslužuje pozornost, nadahnjuje na razmišljanje koje je relevantno za ciljeve Nagrade i pismeno obrazloži vlastiti izbor. Odluke žirija su neosporive.

Radni plan

Žiri predlaže i koordinira, u toku kampanje, mjere koje smatra prikladnim za očuvanje i unaprijeđenje odabranog mjesta obračujući se i preko instrumenata društvene komunikacije, javnim administratorima, znanstvenim, umjetničkim, tehničkim, operativnim zajednicama i generalno svima onima koji su uključeni ili zainteresovani za promociju podizanja ukusa, formiranju novih navika za istraživanje i na projektima, kvalifikacija načina za upravljanje vrtovima i krajolicima. Posebno je predviđeno: objavljivanje jednog dosijea za upoznavanje mjesta, o njegovoj historiji, geografiji i trenutnom stanju, njegovih korisnika, arhitekata i kustosa; skupljanje referentnih i relevantnih kartografskih materijala koji će biti stavljani na razmatranje u biblioteci– centru za dokumentaciju u Fondaciji Benetton Studi Ricerche; organizaciji jednog javnog sastanka, na kojem će instituciji ili osobi odgovornoj za upravljanje mjestom biti uručeno simbolično priznanje, koje se sastoji od pečata napravljenog od strane Carla Scarpe (1906–1978), izumitelja vrtova koji je dao ima Nagradi.